



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Kurtzes Handtbüchlein/ vnd Experiment/ vieler Artzneyen/
durch den gantzen Körper des Menschens/ von dem
Haupt biß auff die Füß**

Ryff, Walther Hermann

Straßburg, Anno M.DC.XIV.

Von dem Miltz.

urn:nbn:de:hbz:466:1-43769

die feuchtigkeit wol auß/ vnd thu dar ein Zucker/ vnges
fährlich nach dem dich geluſt/ diſer Syrap iſt faſt gut
den Gelbſüchtigen.

Welcher die Gelbſucht hat / der drincke offt von
Schöllwurz.

Silzkrant ſamen offt gebrauchet/ iſt ſehr gut für die
Gelbſucht.

Die wurzel von The lenger ihelieber/ iſt faſt gut de
Gelbſüchtigen/ ſieben tag darab gedruncken.

Cubeben offt gebrauchet/ iſt gut den Gelbſüchtigen.

Gamander/ diß krant geſotten in Wein/ vnd ven
gedruncken/ benimpt die Gelbſucht.

Dipram geſotten in Waſſer/ vnd damit gewäſchen
den Leib in einem Bad/ benimpt die Gelbſucht.

Leberkrant in Wein gelegt / vñ darab gedruncken/
benimpt die Gelbſucht.

Gelb Schwerelwurz geſotten in Waſſer / vnd
mit roht Cicern vermengert vnd durchgeſchlagen/ vñ
ſüß gemacht mit Zucker/ davon genützet/ iſt gut wider
die Gelbſucht.

Hopffen in Wein geſotten/ iſt gut wider die Gelb
ſucht/ vnd laxieret auch.

Peonia gedrunckē in Wein/ benimpt die Gelbſucht.

Welcher die Gelbſucht hat / der mache Rächlein
auß fünfffingerkrant/ vnd thue darzu Semelmal vñ
Waſſer/ vñ eſſe die 9 tag an einander/ er wird gefunde.

Rhabarbarum iſt ein Wurzeln/ ab diſer wurzel ge
druncken/ nimpt die Gelbſucht.

Spargenwurz geſotten in Wein/ vñ den genützet/
benimpt die Gelbſucht.

Verbena die wurzel mit Wein gedruncken / iſt gut
für die Gelbſucht.

Cap. xxj. Für die Kranckheit deß Milkes.

Von allerhand Arzney/

Welcher Wermuthsafft trincket 10 tag nachs
einander/ auff ein mal vier quintlein mit Zus
cker vermengert / ist fast gut zu dem Francken
Milz.

Welcher ein böses Milz hat/ der brauche Oederme
sig vnd Surschungen in der Speiß/ er geneuße.

Welcher ein böses Milz hat/ der nemme ein pfund
gelb Lilienwurtzel gestossen/ vnd scharpffen Essig ein
halbe maß/ vñ beize die wurtzel darinn 3 tag/ darnach
lass die wurtzel mit dem Essig sieden / das der Essig
halb einsiede/ vñnd durch ein douch seyhen/ vnd darun
der mischen Honig auff 6. loth / vnd aber sieden / biß
der Essig wol einsiede. Diß sol man alle Morgen mit
Chren trincken/ so lang es weret/ es hilfft fast wol.

Eychennißel gepulvert/ vnd mit Sartz vermengert/
ist gut wider verhartung des Milzes vbergelegt.

Welcher ein böß Milz hat/ der lege Berenflawen in
öl/ vnd lass beizen fänfftag/ darnach seyhe das öl ab/
vñnd schmier damit das Milz/ außwendig an der lin
cken seitten/ es hilfft fast wol.

Ein Salb gemacht von Tausentguldenafft / vñnd
darunder gemischt Öl vnd Wachs / vñnd das Milz
außwendig damit geschmieret/ hilfft fast wol.

The lenger/ he lieber/ diß kraut vñnd Surschungen
in Wem gesotten/ ist gut dem bösen Milz.

Gelb Violent krautöl/ vermischer mit Lindöl / stiller
den wehtagen des Milz.

Saffran oft gebraucht/ ist gut dem Milz.

Gundelreb mit Essig gesotten vñnd auff das Milz
gelegt/ stiller die außsteigung des Milzes.

Der samen von Schwerrel gestossen/ vnd gemischer
mit Essig/ ist fast gut dem der ein böß Milz hat.

Welcher ein hart Milz hat/ der neme Gaibanum/
vnd leg den in Essig dreytag/ vñnd siede den darnach/
vnd seyhe den Essig ab/ vnd mische darunder Baums
öl/ vnd rühr diß mit einem Spatel/ vnd mache darauß
ein

Das Erste Buch.

xlviij

ein pflaster/ vnd lege es auff das Milz.

Hopffen gesotten in Wein/ vnd auff das Milz ge-
legt/ es hilfft.

Bressamen gedruncken mit Eßig/ nimpt die Gelbe
suche von dem Milz.

Boley oft gebraucht in Wein/ benimmet das böse
Milz.

Engelsas genetzt mit Käswasser/ ist gut für das
geschwollen Milz.

Das wasser von Merrettich gesotten/ vnd mit ein
wenig Eßig gedruncken/ ist gut dem geschwollenen
Milz.

Soluerbletter gesotten in Wein oder in öl/ ist gut
für das böß Milz.

Von Hirschzung gedruncken/ dienet fast wol dem
bösen Milz.

Tamariscus/ die bletter gesotten in Wein/ vnd den
gedruncken/ ist fast gut dem geschwollenen Milz.

Nesselwurzel mit starkem Wein gesotten/ vnd ge-
leget auff das Milz/ gleich einem pflaster/ nimpt die
geschwulst darvon.

Violenwurzel gesotten mit Eßig/ vnd das gedrun-
cken/ hilfft dem geschwollenen Milz.

Isop gesotten mit lauterem Schmalz/ vnd Seygen/
vnd als ein pflaster auff die geschwulst des Milzes ge-
legt/ vertreibet die zuhand.

Für das stechen in der Seiten.

Welcher also groß stechen hat in dem Leib/ das er
sich besorgeter muß daron sterben/ der nemme Wehe-
distel kraut/ vnd Salbey ein wenig minder/ vnd stoß
die/ vnd misch darunder das Wasser von Wehdistel/
vnd send es ein viertheil ein/ vnd schlag das durch/ vnd
mach das süß mit Zucker/ vnd drinck das/ so dich das
Stechen ankumpt/ es vergehet dir zuhandt.

Welchem wehe ist in den Seiten/ der siede Leinöl in
Wasser

Von allerhand Arhney/

Wasser/ vnd dru f ein Lamen dach darein/ vnd lege das also warm auff die Seiten/ es vergeht die ohn zweiffel.

Welcher das stromen in der Seiten hat/ der lege spitze Wegerich blätter in warm Wasser/ vñ lege sie also warm an die stete daran es dich nicht/ oder auff das Milz/ so wurd ihm bass.

Cap. xxij. Vom Herzen.

Lignum Aloes gepulvert/ vnd oft genützt/ ist gut für das Francke Herz.

Das Silber stärcket das Herz/ vnd macht ein gut Geblüt.

Ochsenzungen nähts gessen/ vnd die genützt mit Wein/ vertreibet das Herzgespan.

Wilder Galgan oft genützt/ stärcket das Herz.

Endiuien stärcket das Herz/ das siech ist von Sitz.

Lapis Margarite/ das seind Buerlin/ die reinigen das Herzblut/ vnd stärcken das Herz.

Für das Zittern des Herzens.

Welcher geschaben Gold oft nütze/ dem nimpt das zittern des Herzens/ das da kompt von einer Feuchtigkeit.

Borzago blumen/ die gessen oder darab gedrunckē/ nimpt das Herzzittern.

Cardaica/ das ist Herzgespan/ das kraut gestossen/ vnd den safft bereit mit Zucker/ vnd den nüchtern ein genommen/ ist gut für das Herzzittern.

Cardamomi frucht puluer ein quintlin/ vnd drinck das mit Wein/ oder mit einer Brüh gessen es hilfft wol für das Zittern.

Welcher das Herzzittern hat/ der nemme ganzen Calmus/ vnd seud den in Wasser/ vnd oft genützt/ nimpt das Herzzittern.

Epithimum die fallen auff dem Alee/ die oft genützt/ ist gut für das Herzzittern.

Galgan